



Broj: 02-11-14-70-04/20
Sarajevo, 11.02.2020.

Na osnovu člana 1. stav 2., a u skladu sa članom 87. stav 3, članom 70. stav 1., 2., 3. i 6. Zakona o javnim nabavkama ("Službeni glasnik BiH", broj: 39/14), Odluke o pokretanju postupka Usluge javne nabavke kolektivnog osiguranja broj: 02-11-14-70-01/20 od 06.02.2020. godine i odredbama Pravilnika o postupku direktnog sporazuma u Kabinetu potpredsjednika Federacije BiH broj: 02-02-213-01/15 od 20.05.2015. godine, na preporuku Komisije za javne nabavke, potpredsjednik Federacije BiH, donosi

ODLUKU o direktnom sporazumu

I

Zaključuje se direktni sporazum za Usluge kolektivnog kombinovanog osiguranja uposlenika Kabineta potpredsjednika Federacije BiH sa firmom "Sarajevo osiguranje" d.d. Sarajevo, ID broj: 4200326930184, ul. Maršala Tita br. 29, 71000 Sarajevo.

II

Nabavka iz tačke I ove odluke vrši se u skladu sa članom 90. Zakona o javnim nabavkama Bosne i Hercegovine ("Službeni glasnik BiH", broj: 39/14), te odredbama Pravilnika o postupku direktnog sporazuma u Kabinetu potpredsjednika Federacije BiH broj: 02-02-213-01/15 od 20.05.2015. godine Na naš zahtjev svoju ponudu dostavila je firma "Sarajevo osiguranje" d.d. a koja iznosi 20,00 KM mjesečno po uposleniku tj. 240 KM po uposleniku na godišnjem nivou za osigurane slučajeve.

III

Za realizaciju ove Odluke zadužuje se Odjel za opće, pravne i finansijske poslove.

IV

Ova Odluka stupa na snagu danom donošenja i objavit će se na web - stranici Kabineta potpredsjednika, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

OBRAZLOŽENJE

Potpredsjednik Federacije BiH donio je Odluku o pokretanju postupka javne nabavke Usluge kolektivnog osiguranja broj: 02-11-14-70-01/20 od 06.02.2020. godine.

U skladu sa članom 5. Pravilnika o postupku direktnog sporazuma u Kabinetu potpredsjednika Federacije BiH broj: 02-02-213-01/15 od 20.05.2015. godine Kabinet potpredsjednika je telefonskim putem ispitivao tržište, te nakon toga firmi "Sarajevo osiguranje" d.d. uputio poziv za dostavu pismene ponude za kolektivno kombinovano osiguranje uposlenika Kabineta potpredsjednika Federacije BiH.

Na naš zahtjev pristigla je ponuda:

1. Sarajevo - osiguranje d.d. Premija po uposleniku 20,00 KM mjesečno /240,00 KM godišnje.

Cijena godišnje premije za kolektivno kombinovano osiguranje od posljedica nesretnog slučaja po uposleniku, a koju je ponudila firma "Sarajevo osiguranje" d.d. Sarajevo, uklapa se u Plan javnih nabavki za 2020. godinu kojim je predviđen iznos do 6.000,00 KM za Usluge kombinovanog osiguranja od posljedica nesretnog slučaja uposlenika u Kabinetu potpredsjednika Federacije BiH u toku 2020. godine.

Obzirom na gore navedeno odlučeno je kao u dispozitivu Odluke.

Pouka o pravnom lijeku: Protiv ove Odluke može se izjaviti žalba u roku od 5 dana od dana prijema ove Odluke o izboru/Odluke o direktnom sporazumu.

Potpredsjednik
Federacije Bosne i Hercegovine
Melika MAHMUTBEGOVIĆ



Dostaviti:

1. "Sarajevo osiguranje" d.d.
2. Odjel za opće, pravne i finansijske poslove
3. Arhiva